

mae ratione, iudicio, memoria, non irascentia, θυμῶ, *non concupiscibili vi, ἐπιθυμία*. Eadem haec omnia in utroque sunt et si forte maiore aut minore virtute differunt, non tamen ob id variant speciem idque non natura, sed more atque habitu ex communi
5 hominum mala educatione contracto.

Nam quid est virtus ex Aristotele? Mediocritas θυμοῦ, ἐπιθυμίας, τῶν λοιπῶν πάθων, *irascentiae, concupiscentiae, reliquorum affectuum animi* a recta ratione per actiones inducta. Id ne in viris, an etiam in foeminis? Aristoteles non negat in muliere
10 non posse esse, σωφροσύνην, ἀνδρείααν, *temperantiam, fortitudinem*, sed ait *non est eadem, οὐχ ἡ αὐτή*. Quomodo non eadem? Topicis traditur triplex idem: genere, specie, numero virtutes easdem genere non potest negari, sunt enim animalis virtutes; easdem etiam specie esse negari non potest. Sunt enim hominis
15 virtutes; easdem numero esse negari potest. At hoc modo Socratis atque Aristotelis virtutes, fortitudo ac temperantia non sunt eaedem. Ita nulla prorsus virtus eadem cum altera.

Nobis sufficit easdem specie esse virtutes mulieris ac viri. Sunt enim eiusdem specie rationis rectae, ὀρθοῦ λόγου, eiusdem
20 specie θυμοῦ, *irascentiae* eiusdem [350] specie ἐπιθυμίας, *concupiscentiae* eorundem specie παθῶν, affectuum animae per easdem specie actiones ad eandem specie mediocritatem conductaeⁱⁱ. Neque verum est in Re publica Platonis ἀρχικὴν ἀνδρείααν, *principalem fortitudinem* viri, ministram vere ὑπηρετικὴν mulieris,
25 in ea enim Re publica mulieres non ministrant, ut Athenis aut Chalcide, sed ἄρχουσι, πολεμοῦσι, φυλάττουσι, *regunt, militant, custodiunt* simul cum viris, non minus quam viri. Quare ex hoc instituto, ex eadem educatione recte deduxit Plato κατὰ τὰς ἐκείνου ἀρχάς, *secundum eius principia*, quia eiusdem naturae sint mulieres cum viris, eadem educatione educuntur, eadem cum viris munera obeant, iisdem virtutibus praeditas etiam esse. Non est ergo ibi mulieris ministra fortitudo. Falsoque id Platoni a discipulo tribuitur.

An vero in natura id est? Rationibus, ex definitione, efficiente,
35 te, materia, forma, fine virtutum non apparuit. Fortitudo viri

ⁱⁱ Corr. ex conducta